



SLUŽBENI GLASNIK

OPĆINE ZAVIDOVIĆI

Broj: 2 Datum: 10.03.2005.

1
2
3
4

5
6
7
8

I – AKTI OPĆINSKOG VIJEĆA

Na osnovu člana 93. stav 1. Poslovnika Općinskog vijeća Zavidovići («Službeni glasnik općine Zavidovići», broj 11/2004-prečišćeni tekst), Općinsko vijeće Zavidovići na 5.sjednici od 09.03.2005.godine, razmatralo je Plan rada Općinskog načelnika za 2005.godinu, pa nakon rasprave donijelo

ZAKLJUČAK

1. Općinsko vijeće Zavidovići usvaja Plan rada Općinskog načelnika za 2005.godinu.
2. Plan iz tačke 1. Zaključka objaviti u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

Broj: 01-34-838/05
Datum, 09.03.2005.godine

(M.P.)

PREDSJEDAVAJUĆI
OPĆINSKOG VIJEĆA

Besim Avdić, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

PLAN

rada za 2005.godinu

U V O D

Obzirom na:

- Usvojene reformske zakone i one koji se trebaju usvojiti (Zakon o lokalnoj samoupravi, Zakon o službenicima, Zakon o spašavanju ljudi i materijalnih dobara od prirodnih i drugih nepogoda, Zakon o namještenicima, Zakon o zaštiti od požara i dr.),
- Situaciju u privredi (stanje u IP «Krivaji», inicijative privrednika, mogućnosti u razvoju turizma, nezaposlenost i dr.),
- Stanje infrastrukture (putevi, vodosnabdijevanje, ratom porušeni objekti),
- Stanje u oblasti društvenih djelatnosti (školstvo, zdravstvo, socijalne potrebe, potrebe boračkih populacija, nevladin sektor, sport i kultura, povratak izbjeglica i raseljenih),
- Naslijeđeno stanje iz prethodnog perioda – finansijski pokazatelji (oktobar 2004. godina: ukupno neplaćene obaveze 1.338.411,51 KM, nerealizovani zaključci 2002, 2003. i 2004.godina 188.154,00 KM, mogućnosti presuda na štetu Općine (pokrenuti sudski postupci).

Smatram da je ovo:

- Godina reforme uprave – usvajanje Odluke o osnivanju općinskih službi, novi pravilnici i dr.,
- Godina amortizacije posljedica otpuštanja eventualno viška uposlenih u Općini, privrednim društvima i ustanovama,
- Godina u kojoj bi trebalo doći do drugačijeg kursa naspram privrednog razvoja i stvaranja povoljnijih uslova privređivanja,
- Godina poboljšanja vršenja usluga u upravi – kvalitetniji odnos naspram korisnika usluga, skraćivanja postupka,
- Godina izgradnje nekoliko poslovnih objekata, infrastrukturnih objekata i poboljšanja uslova života u tom pogledu,
- Godina donošenja planskih dokumenata – Strategija razvoja općine, regulacioni planovi i dr.

UPIS NEREGISTROVANIH BIRAČA

Evidentan je veliki broj neregistrovanih birača, a razlog je nedovoljna zainteresovanost mladih generacija da se evidentiraju na biračke spiskove, a to rezultira umanjenu odziva na izborima. U ovoj godini će se posebnim angažmanom, službe nadležne za ovo, iznaći mogućnost povećanja broja upisa na biračke spiskove.

SARADNJA SA NEVLADINIM SEKTOROM

Saradnju sa nevladinim sektorom podići na veći nivo i zajednički raditi na realizaciji projekata od interesa za općinu.

INFORMISANJE

Smatram da je informisanje javnosti i građana veoma bitan pokretački faktor kod svakog pojedinca za učestvovanje u raspravama i donošenju bitnih odluka. S tim u vezi potrebno je kvalitetno informisati građanstvo na cijelom području općine. Informisanje će se vršiti putem lokalnih i drugih medija, putem WEB stranice, mjesnih zajednica, udruženja i td.

OPĆI POSLOVI

Da bi se predviđeno moglo ostvariti, potrebno je stvoriti i određene predulove pa će se raditi na stvaranju boljih uslova rada službi, efikasnom nabavkom roba i usluga, uspostavljanje i umrežavanje računara u jedinstven sistem itd.

OPĆINSKI NAČELNIK

(M.P.)

Izet Bašić, dipl.ing.agr., s.r.

Na osnovu člana 4., 54. i 55. Zakona o upravi u Federaciji Bosne i Hercegovine («Službene novine FBiH» broj 28/97 i 26/02), člana 24. Zakona o lokalnoj samoupravi («Službene novine Zeničko-dobojskog kantona» broj 13/98) i člana 55. Statuta Općine Zavidovići («Službeni glasnik Općine Zavidovići» broj 11/2004 –prečišćen tekst) Općinsko vijeće Zavidovići na 5. sjednici, održanoj 09.03.2005. godine donijelo je

ODLUKU

O IZMJENAMA I DOPUNAMA ODLUKE O ORGANIZACIJI OPĆINSKE UPRAVE

Član 1.

U Odluci o organizaciji općinske uprave («Službeni glasnik općine Zavidovići», broj 9/02, 11/02, 7/03, 11/03 i 12/04), naziv odluke mijenja se i glasi:

«Odluka o osnivanju općinskih službi za upravu općine Zavidovići».

Član 2.

Član 1. mijenja se i glasi:

«Ovom odlukom osnivaju se općinske službe za upravu»

Član 3.

Član 2. briše se

Član 4.

Član 3. briše se.

Član 5.

Poglavlje «II - ORGANIZACIJA OPĆINSKE UPRAVE», mijenja se i glasi:

«II - OPĆINSKE SLUŽBE ZA UPRAVU».

Član 6.

Član 4. briše se

Član 7.

Član 5. stav 1. mijenja se i glasi:

«Za vršenje upravnih i stručnih poslova kao i poslova lokalne samouprave iz nadležnosti općine, osnivaju se službe za upravu i to:

1. Služba za upravu ekonomskih poslova i poduzetništva,
2. Služba za upravu geodetskih, imovinsko pravnih poslova i urbanizma,
3. Služba za upravu društvenih djelatnosti i opću upravu,
4. Služba za upravu pitanja boraca, raseljenih lica i izbjeglica,
5. Služba za upravu civilne zaštite».

- 82 -

Član 8.

Član 6. mijenja se i glasi:

Služba za upravu ekonomskih poslova i poduzetništva: Izvršava i obezbjeđuje izvršavanje zakona i drugih propisa u oblastima za koje je osnovana; sprovodi utvrđenu politiku u oblastima za koje je osnovana; stara se o realizaciji budžetskih sredstava u oblastima za koje je osnovana; obavlja poslove planiranja, praćenja i izvještavanja o izvršenju Budžeta; vodi računovodstvene i knjigovodstvene poslove; prati stanje, poduzima mjere za stvaranje povoljnog ambijenta za razvoj privrede i bolju iskorištenost resursa Općine; učestvuje u realizaciji programa razvoja i predlaže mjere za unapređenje stanja u privrednim djelatnostima, posebno u oblasti male privrede i samostalnog privređivanja; rješava u upravnim stvarima iz oblasti za koje je osnovana; vodi registar samostalnih privrednika-obrtnika i evidencije privrednih društava na području Općine; vrši nadzor nad radom javnih preduzeća čiji je osnivač Općina Zavidovići; saradnja sa nevladnim sektorom; unapređenje i razvoj poljoprivredne djelatnosti, iskorištavanje i zaštita prirodnih bogastava, lov i turizam; vrši poslove upravnog rješavanja u oblastima inspekcijskog nadzora iz svoje nadležnosti; obavlja poslove vezane za gazdovanje i racionalno upravljanje poslovnim prostorijama i stanovima na kojima pravo raspolaganja ima Općina (vodi evidencije, provodi postupak dodjele, prati stanje u oblasti, poduzima mjere i odgovorna je za provođenje istih); izvršava i obezbjeđuje izvršavanje zakona, drugih propisa i općih akata u oblasti stambenih poslova; inicira, učestvuje u izradi i realizaciji planova, programa i projekata u oblasti komunalne infrastrukture; inicira i učestvuje u izradi investicionih planova, programa i projekata od interesa za Općinu; vrši koordinaciju u pripremi Općinskih razvojnih strategija; vrši koordinaciju u procesu identifikacije, formulacije i utvrđivanja prioriternih programa i projekata u općinama, na osnovu metodologije koju uz saglasnost Vlade Federacije, utvrdi Federalno ministarstvo finansija i prema uputama Sektora za razvoj Ministarstva za privredu; vrši implementaciju ili praćenje i izvještavanje o implementaciji projekata na nivou općina na osnovu metodologije koju uz saglasnost Vlade Federacije, utvrdi Federalno ministarstvo finansija i prema uputama Sektora za razvoj Ministarstva za privredu kantona; vrši i druge poslove od značaja za upravljanje i koordinaciju sredstava za razvoj u općinama; vrši pripremanje tenderske dokumentacije iz oblasti za koju je osnovana; podnosi konačni obračun o završenoj investiciji; analizira, inicira i učestvuje u izradi propisa u oblasti za koje je osnovana; vrši poslove obračuna naknade i praćenje naplate sredstava po osnovu korištenja građevinskog zemljišta, korištenja javnih površina; vrši poslove zaštite životne okoline; vrši statističke poslove od interesa za općinu; obavlja poslove robnih rezervi; vrši i druge poslove u oblastima za koje je osnovana, kao i poslove koje joj u zadatak stavi Općinsko vijeće i Općinski načelnik».

Član 9.

Član 7. mijenja se i glasi:

Služba za upravu geodetskih, imovinsko-pravnih poslova i urbanizma; izvršava i osigurava izvršavanje zakona i drugih propisa u oblastima za koje je osnovana; sprovodi utvrđenu politiku u oblastima za koje je osnovana; stara se o realizaciji budžetskih sredstava u oblastima za koje je osnovana; vodi postupak i rješava u upravnim stvarima iz oblasti imovinsko-pravnih poslova, geodetskih poslova – oblasti katastra i komunalnih uređaja; vrši geodetsko snimanje novoizgrađenih komunalnih objekata i vodi zbirni katastar komunalnih uređaja; utvrđuje promjene nastale na zemljištu i zgradama evidentira ih i provodi kroz katastarski operat; učestvuje u izradi i realizaciji planova, programa i projekata u oblastima

prostornog uređenja i planiranja; analizira, inicira i učestvuje u izradi propisa u oblastima za koje je osnovana; vrši pripremanje tenderske dokumentacije iz oblasti za koju je osnovana; priprema prijedlog općinskih propisa iz oblasti imovinsko-pravnih odnosa za Općinskog načelnika ili Općinsko vijeće; vrši poslove obračuna naknade i praćenje naplate sredstava po osnovu pogodnosti (renta), uređenja gradskog građevinskog zemljišta i zakupa gradskog zemljišta; vrši i druge poslove u oblastima za koje je osnovana kao i poslove koje joj u zadatak stavi Općinsko vijeće i Općinski načelnik».

Član 10.

Član 8. mijenja se i glasi:

Služba za upravu društvenih djelatnosti i opću upravu: izvršava i osigurava izvršavanje zakona i drugih propisa u oblastima za koje je osnovana; sprovodi utvrđenu politiku u oblastima za koju je osnovana; stara se o realizaciji budžetskih sredstava u oblastima za koje je osnovana; inicira, te učestvuje u izradi i realizaciji planova, projekata i programa u oblastima za koje je osnovana; vrši pripremanje tenderske dokumentacije u oblastima za koje je osnovana; analizira, inicira i učestvuje u izradi nacrtu propisa u oblastima za koje je osnovana; rješava u upravnim stvarima u oblastima za koje je osnovana; poslove odbrane za potrebe Općinskog vijeća i Općinskog načelnika; poslove građanskih stanja, ovjere prepisa i legalizacije potpisa, poslove biračkih spiskova, prijemne kancelarije, pisarnice, arhive i dostave pošte; organizira i koordinira rad mjesnih ureda; poslove pružanja pravne pomoći; učestvuje u predlaganju organizacije općinske uprave; osigurava pravo pristupa zainteresiranim građanima administrativnim procedurama, dokumentima i informacijama; osigurava lokalne potrebe stanovništva u oblasti brige o djeci, obrazovanju i odgoju, kulturi, fizičkoj kulturi, sportu; obezbjeđuje saradnju sa organima drugih općina i organima Kantona iz oblasti za koju je obrazovana; vodi evidenciju sportskih, kulturnih i drugih institucija koji su od značaja za općinu; vrši nadzor nad zakonitosti rada ustanova i organizacija u oblastima društvenih djelatnosti; stvara uslove za unapređenje odgojno-obrazovnog procesa u predškolskim ustanovama; vrši nadzor nad ostvarivanjem javnog interesa općine u oblasti kulture i sporta; prati stanje i predlaže mjere za stvaranje boljih zdravstvenih uslova za stanovnike na području Općine; vrši stručne i administrativne i druge poslove za organe mjesne zajednice; osigurava javnost rada mjesnih zajednica; vrši umnožavanje pisanih materijala za potrebe Općinskog vijeća i Općinskog načelnika; opsluživanje telefonske centrale; fizičko obezbjeđenje zgrade; održavanje čistoće u radnim prostorijama; planiranje i organizovanje, nabavka potrošnog materijala i opreme i drugih roba, usluga i radova za zajedničke potrebe; obavlja i druge poslove koje joj u zadatak stavi Općinsko vijeće i Općinski načelnik».

Član 11.

Član 9. mijenja se i glasi:

Služba za upravu pitanja boraca, raseljenih lica i izbjeglica; izvršava i osigurava izvršavanje zakona i drugih propisa u oblastima za koje je osnovana; sprovodi utvrđenu politiku u oblastima za koje je osnovana; stara se o realizaciji budžetskih sredstava za koje je osnovana; prati stanje i rješava u upravnim stvarima i poduzima upravne i druge mjere u oblasti za koje je osnovana; vrši obračun redovnih mjesečnih primanja, vodi knjigovodstvenu i druge evidencije o ostvarenim pravima po osnovu boračko-invalidske zaštite, vodi statistiku, obračun, isplatu, evidentiranje i knjiženje korisnika po osnovu ostvarenog prava izbjeglih i raseljenih lica; vodi

- 84 -

statistiku i evidenciju o svim ostvarenim i dopunskim pravima boračke populacije; vodi evidenciju i obavlja poslove vezane za zaštitu boraca NOR-a; vrši administrativnu obradu podnesenih zahtjeva korisnika; prati stanje i predlaže mjere za stvaranje boljih socijalno – materijalnih uslova za stanovništvo na području Općine; inicira i učestvuje u izradi planova socijalno materijalne zaštite stanovnika u stanju socijalne potrebe; obavlja i druge poslove u oblasti za koje je osnovana, kao i poslove koje joj u zadatak stavi Općinsko vijeće i Općinski načelnik».

Član 12.

Poglavlje» IV-a OPĆINSKA SLUŽBA CIVILNE ZAŠTITE», briše se.

Član 13.

Iza tačke 4. SLUŽBA ZA UPRAVU PITANJA BORACA, RASELJENIH LICA I IZBJEGLICA, dodaje se tačka 5. koja glasi:

«SLUŽBA ZA UPRAVU CIVILNE ZAŠTITE».

Član 14.

Član 9.a. mijenja se i glasi:

«Služba za upravu civilne zaštite: izvršava i osigurava izvršavanje zakona i drugih propisa u oblastima za koje je osnovana; sprovodi utvrđenu politiku u oblasti za koju je osnovana; stara se o realizaciji budžetskih sredstava u oblasti za koju je osnovana; organizira, priprema i provodi zaštitu i spašavanje na području općine; izrađuje procjenu ugroženosti od prirodnih i drugih nesreća u općini; priprema program zaštite i spašavanja od prirodnih i drugih nesreća u općini; predlaže plan zaštite i spašavanja od prirodnih i drugih nesreća u općini; prati stanje priprema za zaštitu i spašavanje i predlaže mjere za unapređenje organiziranja i osposobljavanja civilne zaštite; organizira, izvodi i prati realizaciju obuke građana na provođenju lične i uzajamne zaštite; organizira i koordinira provođenje mjera zaštite i spašavanja; priprema propise u oblasti zaštite i spašavanja iz nadležnosti općine; vodi propisane evidencije i vrši druge poslove zaštite i spašavanja u skladu sa zakonom i drugim propisima; učestvuje u provođenju preventivnih mjera zaštite od požara; gašenju požara i spašavanju ljudi i materijalnih dobara ugroženih požarom ili elementarnim nepogodama i vrši druge zadatke i poduzima druge mjere u vezi sa zaštitom od požara; vrši poslove obračuna naknade i praćenja naplate sredstava po osnovu naknada za protiv požarnu zaštitu; kao i poslove koje joj u zadatak stavi Općinsko vijeće i Općinski načelnik».

Član 15.

U članu 9.b. riječi «Općinske službe», zamjenjuju se riječima «Službe za upravu».

Član 16.

Tačka 5. SLUŽBA OPĆINSKOG VIJEĆA I OPĆINSKOG NAČELNIKA, briše se.

Član 17.

Član 10. briše se.

Član 18.

Tačka 6. SLUŽBA ZA ZAJEDNIČKE POSLOVE, briše se.

- 85 -

Član 19.

Član 11. briše se.

Član 20.

U članu 12. stav 3. mijenja se i glasi:

«Općinskog načelnika za slučaj spriječenosti da obavlja svoju dužnost privremeno mijenja predsjedavajući općinskog vijeća ili vijećnik kojeg većinom glasova izabere općinsko vijeće».

Član 21.

U članu 17. stav 2. iza riječi načelnika tačka se zamjenjuje zarezom i dodaju se riječi «Sekretar ograna državne službe i sekretar Općinskog vijeća».

Član 22.

Iza Poglavlja III OPĆINSKI NAČELNIK, dodaje se novo Poglavlje III-a, koje glasi: «III-a – SEKRETAR ORGANA DRŽAVNE SLUŽBE».

Član 23.

Iza člana 17. dodaje se novi član 17.a. koji glasi:

«Sekretar organa državne službe obavlja poslove od značaja za unutrašnju organizaciju i rad općine Zavidovići, koordinira radom službi za upravu i odsjeka, saraduje između organa i drugih tijela državne službe i preduzeća, realizira program rada organa državne službe i odgovoran je za korištenje finansijskih, materijalnih i ljudskih potencijala koji su mu povjereni i obavlja i druge poslove koje mu odredi Općinski načelnik.

Sekretar organa državne službe za svoj rad i upravljanje odgovara Općinskom načelniku».

Član 24.

U članu 18. iza riječi načelnik, zarez se zamjenjuje tačkom i brišu se riječi «te rukovodi Službom Općinskog vijeća i Općinskog načelnika».

Član 25.

U članu 21. stav 2. briše se

Član 26.

Član 22. mijenja se i glasi:

«Pomoćnik načelnika obavlja poslove rukovodnog karaktera unutar službe i odgovoran je za korištenje finansijskih, materijalnih i ljudskih potencijala dodjeljenih službi»

Član 27.

U članu 23. u stavu 2. iza riječi «primjenjuju na», dodaju se riječi «rukovodeće državne», a brišu se riječi «i namještenike».

Član 28

Član 27. mijenja se i glasi:

«Pravilnikom o unutrašnjoj organizaciji službi za upravu bliže će se urediti nadležnosti općinskih službi, poslovi koje vrše državni službenici i namještenici, kategorije u okviru radnih mjesta, broj državnih službenika i namještenika.

Pravilnikom iz stava 1. ovog člana odrediti će se službenici i namještenici koji će biti neposredno odgovorni Općinskom načelniku i isti će biti van organizacionih jedinica.

Pravilnik iz stava 1. ovog člana donijet će Općinski načelnik u roku od 30 dana od dana stupanja na snagu ove odluke i dostaviti ga na saglasnost Općinskom vijeću.

Član 29.

Ova odluka stupa na snagu prvog narednog dana od dana objavljivanja u «Službenom glasniku općine Zavidovići».

Član 30.

Zadužuju se Komisija za propise i statut da izradi prečišćen tekst Odluke o organizaciji općinske uprave.

OPĆINA ZAVIDOVIĆI
- OPĆINSKO VIJEĆE-

Broj: 01-05-743
Datum, 09.03.2005. godine

PREDSJEDAVAJUĆI
OPĆINSKOG VIJEĆA

Besim Avdić, s.r.

(M.P.)

Na osnovu člana 39.stav 1. tačka 3. Zakona o lokalnoj samoupravi («Službene novine Zeničko-dobojskog kantona», broj 13/98) i člana 55., a u vezi sa članom 85.stav 1. alineja 3. Statuta općine Zavidovići («Službeni glasnik općine Zavidovići», broj 11/2004-prečišćeni tekst), Općinsko vijeće Zavidovići na 5. sjednici od 09.03.2005.godine, donijelo je

ODLUKU
o rasporedu sredstava za redovnu djelatnost
mjesnih zajednica u 2005.godini

Član 1.

Odlukom o rasporedu sredstava za redovnu djelatnost mjesnih zajednica u 2005.godini (u daljem tekstu: Odluka), utvrđuju se ukupna sredstva za rad mjesnih zajednica u 2005.godini. Ukupna sredstva u 2005.godini utvrđuju se u iznosu od 60.000,00 KM.

Član 2.

Visina sredstava iz prethodnog člana raspoređuje se mjesnim zajednicama: 30% linearno, a 70% sredstava prema broju stanovnika.

Raspored sredstava na osnovu elemenata iz prethodnog stava po mjesnim zajednicama sastavni je dio ove Odluke.

Član 3.

Iz raspoređenih sredstava mjesne zajednice finansirat će se rad i aktivnosti mjesnih zajednica.

Sredstva za ove namjene doznačavat će se na osnovu finansijskog plana svake mjesne zajednice i izvještaja o realizaciji istog, za prethodni kvartal.

Član 4.

Ukoliko u Budžetu općine Zavidovići za 2005.godinu prihodi budu manji od planiranih, raspored sredstava mjesnim zajednicama bit će umanjen srazmjerno procentu neostvarenih planiranih prihoda Budžeta općine Zavidovići za 2005.godinu.

Član 5.

Mjesnim zajednicama doznačivat će se sredstva shodno načinu i postupku u skladu sa ovom Odlukom i Odlukom o izvršavanju Budžeta općine Zavidovići za 2005.godinu.

Član 6.

Ukoliko dođe do formiranja novih mjesnih zajednica, vršit će se preraspodjela u okviru planiranih sredstava u Budžetu općine Zavidovići za 2005.godinu.

Član 7.

Ova Odluka stupa na snagu prvog narednog dana od dana objavljivanja u «Službenom glasniku općine Zavidovići», a primjenjivat će se od 01.01.2005.godine.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-14-497/05
Datum, 09.03.2005.godine

(M.P.)

Besim Avdić, s.r.

RASPORED SREDSTAVA MJESNIM ZAJEDNICAMA

1. MJESNA ZAJEDNICA «ASIM ČAMDŽIĆ»	
- linearno	857,20
- po broju stanovnika	<u>4.704,98</u>
	5.562,18
2. MJESNA ZAJEDNICA «KLEK»	
- linearno	857,14
- po broju stanovnika	<u>5.090,00</u>
	5.947,14
3. MJESNA ZAJEDNICA «BRANIOCI GRADA»	
- linearno	857,14
- po broju stanovnika	<u>4.224,88</u>
	5.082,02
4. MJESNA ZAJEDNICA «DUBRAVICA»	
- linearno	857,14
- po broju stanovnika	<u>1.167,60</u>
	2.024,74
5. MJESNA ZAJEDNICA «DOLINA-ALIĆI»	
- linearno	857,14
- po broju stanovnika	<u>1.165,68</u>
	2.022,82
6. MJESNA ZAJEDNICA «PAŠIN KONAK»	
- linearno	857,14
- po broju stanovnika	<u>3.537,37</u>
	4.394,51
7. MJESNA ZAJEDNICA «MEĆEVIĆI»	
- linearno	857,14
- po broju stanovnika	<u>1.469,10</u>
	2.326,24
8. MJESNA ZAJEDNICA «VOZUĆA»	
- linearno	857,14
- po broju stanovnika	<u>2.333,28</u>
	3.190,42
9. MJESNA ZAJEDNICA «RIBNICA»	
- linearno	857,14
- po broju stanovnika	<u>1.174,32</u>
	2.031,46
10. MJESNA ZAJEDNICA «MAOČA»	
- linearno	857,14
- po broju stanovnika	<u>491,62</u>
	1.348,76
11. MJESNA ZAJEDNICA «RUJNICA»	
- linearno	857,14
- po broju stanovnika	<u>2.248,78</u>
	3.105,92

12. MJESNA ZAJEDNICA «KOVAČI»	
- linearno	857,14
- po broju stanovnika	<u>4.423,64</u>
	5.280,78
13. MJESNA ZAJEDNICA «BREZIK»	
- linearno	857,14
- po broju stanovnika	<u>1.933,84</u>
	2.790,98
14. MJESNA ZAJEDNICA «KRIVAJA-SMAILBAŠIĆI»	
- linearno	857,14
- po broju stanovnika	<u>864,18</u>
	1.721,32
15. MJESNA ZAJEDNICA «GOSTOVIĆ»	
- linearno	857,14
- po broju stanovnika	<u>3.201,30</u>
	4.058,44
16. MJESNA ZAJEDNICA «DONJI GOSTOVIĆ»	
- linearno	857,14
- po broju stanovnika	<u>1.239,61</u>
	2.096,75
17. MJESNA ZAJEDNICA «LOVNICA»	
- linearno	857,14
- po broju stanovnika	<u>1.013,01</u>
	1.870,15
18. MJESNA ZAJEDNICA «MAHOJE»	
- linearno	857,14
- po broju stanovnika	<u>503,14</u>
	1.360,28
19. MJESNA ZAJEDNICA «DOLAC»	
- linearno	857,14
- po broju stanovnika	<u>175,71</u>
	1.032,85
20. MJESNA ZAJEDNICA «STIPOVIĆI»	
- linearno	857,14
- po broju stanovnika	<u>570,35</u>
	1.427,49
21. MJESNA ZAJEDNICA «KRIVAJA»	
- linearno	857,14
- po broju stanovnika	<u>467,61</u>
	1.324,75

REKAPITULACIJA

1. MZ «ASIM ČAMDŽIĆ»	5.562,18 KM
2. MZ «KLEK»	5.947,14 KM
3. MZ «BRANIOCI GRADA»	5.082,02 KM
4. MZ «DUBRAVICA»	2.024,74 KM
5. MZ «DOLINA-ALIĆI»	2.022,82 KM
6. MZ «PAŠIN KONAK»	4.394,51 KM
7. MZ «MEĆEVIĆI»	2.326,24 KM
8. MZ «VOZUČA»	3.190,42 KM
9. MZ «RIBNICA»	2.031,46 KM
10. MZ «MAOČA»	1.348,76 KM
11. MZ «RUJNICA»	3.105,92 KM
12. MZ «KOVAČI»	5.280,78 KM
13. MZ «BREZIK»	2.790,98 KM
14. MZ «KRIVAJA-SMAILBAŠIĆI»	1.721,32 KM
15. MZ «GOSTOVIĆ»	4.058,44 KM
16. MZ «DONJI GOSTOVIĆ»	2.096,75 KM
17. MZ «LOVNICA»	1.870,15 KM
18. MZ «MAHOJE»	1.360,28 KM
19. MZ «DOLAC»	1.032,85 KM
20. MZ «STIPOVIĆI»	1.427,49 KM
21. MZ «KRIVAJA»	1.324,75 KM

UKUPNO: 60.000,00 KM

PODACI

**o broju stanovnika po mjesnim zajednicama
zaključno sa 31.12.2004.godine**

Red. broj	MJESNA ZAJEDNICA	Broj stanovnika po dobijenim podacima od mjesnih zajednica
1.	«Asim Čamdžić»	4.900
2.	«K l e k»	5.300
3.	«Branioci grada»	4.400
4.	«Dubravica»	1.216
5.	«Dolina-Alići»	1.214
6.	«Pašin Konak»	3.684
7.	«Mećevići»	1.530
8.	«Vozuća»	2.430
9.	«Ribnica»	1.223
10.	«Maoča»	512
11.	«Rujnica»	2.342
12.	«Kovači»	4.607
13.	«Brezik»	2.014
14.	«Krivaja-Smailbašići»	900
15.	«Gostović»	3.334
16.	«Donji Gostović»	1.291
17.	«Lovnica»	1.055
18.	«Mahoje»	524
19.	«Dolac»	183
20.	«Stipovići»	594
21.	«Krivaja»	487

UKUPNO: 43.740

SLUŽBA OPĆINSKOG VIJEĆA
I OPĆINSKOG NAČELNIKA

Na osnovu člana 26. stav 1. Zakona o prostornom uređenju («Službene novine Zeničko-Dobojskog kantona», broj 2/04) i člana 55. Statuta općine Zavidovići («Službeni glasnik općine Zavidovići», broj 11/2004), Općinsko vijeće Zavidovići na 5.sjednici održanoj 09.03.2005.godine, donijelo je

ODLUKU

o pristupanju izradi izmjena i dopuna Regulacionog plana «Centar I» Zavidovići

Član 1.

Pristupa se izradi izmjena i dopuna Regulacionog plana «Centar I» Zavidovići.

Član 2.

Izmjene i dopune plana izvršiti u prostoru obuhvata plana.

Član 3.

Izmjene i dopune Regulacionog plana «Centar I» donosi se za period od 5 (pet) godina.

Član 4.

Izmjenenama i dopunama plana potrebno je:

- Obuhvatiti inicijative građana koje se odnose na izmjene dijelova Regulacionog plana «Centar I»
- Urbanistički riješiti lokaciju spomen obilježja šehidima-poginulim borcima.

Član 5.

Izmjene i dopune Regulacionog plana «Centar I» izraditi u roku od 4 (četiri) mjeseca od dana donošenja ove odluke.

Član 6.

Izrada izmjena i dopuna Regulacionog plana «Centar I» finansirat će se iz sredstava budžeta općine Zavidovići.

- 93 -

Član 7.

Javna rasprava po Nacrtu odluke o usvajanju i Odluke o provođenju izmjena i dopuna Regulacionog plana "Centar I" obaviti će se u trajanju od 30 dana od usvajanja nacrtu odluka, obavijest o raspravi provesti putem sredstava javnog informisanja, a grafičke i tekstualne dijelove plana izložiti u zgradi organa općine Zavidovići.

Član 8.

Za nosioca pripreme izmjena i dopuna Regulacionog plana «Centar I» Zavidovići određuje se Općinski načelnik i Služba za upravu geodetskih imovinsko-pravnih poslova i urbanizma.

Član 9.

Ova odluka stupa na snagu osmog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

Broj: 01-05-934/05
Dana, 09.03.2005.godine

(M.P.)

PREDSJEDAVAJUĆI
OPĆINSKOG VIJEĆA

Besim Avdić, s.r.

Na osnovu člana 49. Zakona o eksproprijaciji ("Službeni list SRBiH", broj 12/87, 38/89. i 15/94) i člana 55. tačka 2. Statuta općine Zavidovići ("Službeni glasnik općine Zavidovići", broj 11/2004-Prečišćeni tekst), Općinsko vijeće Zavidovići je na 5.sjednici održanoj dana 09.03.2005. godine, donijelo je

ODLUKU

o određivanju područja u kojima na formiranje tržišne cijene poljoprivrednog i građevinskog zemljišta utiču okolnosti iz stava 3. člana 49. Zakona o eksproprijaciji i o najmanjem procentu umanjenja tržišne cijene, za 2005. godinu

Član 1.

Ovom odlukom određuju se:

- a) područja u kojima na formiranje tržišne cijene utiču okolnosti što se poljoprivredno odnosno građevinsko zemljište nalazi u naseljima ili turističkim područjima ili u blizini tih naselja odnosno područja, saobraćajnica ili što predstoji eksproprijacija.
- b) Najmanji procenat umanjenja tržišne cijene odnosno naknade za eksproprijisane nekretnine koje se nalaze na tim područjima, u slučajevima kada se naknada utvrđuje na osnovu tržišne cijene.

Član 2.

Područja u kojima na formiranje cijene poljoprivrednog odnosno građevinskog zemljišta utiču okolnosti iz člana 1. tačka a) ove odluke:

1. Urbano područje grada:
 - a) I i II zona
 - b) III i IV zona
 - c) V i VI zona
2. Put Zavidovići–Vozuća do 4.km računajući od granice urbanog područja na udaljenosti od 1000 m sa lijeve strane od ose puta a sa desne strane puta do korita rijeke Krivaje, posmatrajući tok rijeke nizvodno.
3. Put Zavidovići–Vozuća od 4. km do Vozuće na udaljenosti od 1000 m sa desne strane od ose puta, a sa lijeve strane ose puta do korita rijeke Krivaje, posmatrajući tok rijeke nizvodno.
4. Put Zavidovići–Žepče računajući od granice urbanog područja na udaljenosti od 1000 m sa desne strane od ose puta i lijeve strane puta do korita rijeke Bosne, posmatrajući tok rijeke nizvodno.
5. Put Zavidovići–Bočinja računajući od granice urbanog područja grada na udaljenosti od 1000 m sa desne strane od ose puta i sa lijeve strane puta do korita rijeke Bosne.

6. Put Vozuća–Maoča na udaljenosti od 1000 m sa desne strane od ose puta i sa lijeve strane ose puta do korita rijeke Krivaja, posmatrajući tok rijeke nizvodno.

7. Put Zavidovići–Kamenica na relaciji 2 km - Kamenica računajući od granice urbanog područja grada na udaljenosti od 1000 m na obje strane od ose puta.

8. Put 8 km (naseljeno mjesto Sinanovići) – Mahoje na udaljenosti od 1000 m sa obje strane od ose puta.

9. Put 4.km- Vikovići- Mustajbašići na udaljenosti od 1000 m na obje strane od ose puta.

Član 3.

Najmanji procenat umanjenja tržišne cijene prilikom određivanja naknade za eksproprisana poljoprivredna odnosno građevinska zemljišta na području iz člana 2. ove odluke određuju se:

a) Za područje iz člana 2. tačka 1. podtačka a)	45 %
b) Za područje iz člana 2. tačka 1. podtačka b)	40 %
c) Za područje iz člana 2. tačka 1. podtačka c)	35 %
d) Za područje iz člana 2. tačka 2. , 3. , 4. i 5.	30 %
e) Za područje iz člana 2. tačka 6.	20 %
f) Za područje iz člana 2. tačka 7., 8. i 9.	10 %

Član 4.

Ova odluka stupa na snagu osmog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-05-720

Datum, 09.03.2005.godine

(M.P.)

Besim Avdić, s.r.

Na osnovu člana 16. stav 3. Zakona o prometu nepokretnosti («Službeni list SRBiH», broj 38/78, 4/89, 29/90 i 22/91 i «Službeni list RBiH» , broj 12/92,3/93, 13/94, 18/94 i 33/94) i člana 96. stav 3. Statuta općine Zavidovići («Službeni glasnik općine Zavidovići», broj 11/2004- Prečišćen tekst), Općinsko vijeće Zavidovići na 5. sjednici održanoj dana 09.03.2005.godine, donijelo je

ODLUKU

o izmjeni i dopuni Odluke o davanju saglasnosti na zamjenu nepokretnosti u svojini općine za nepokretnosti u svojini fizičkih lica

Član 1.

U Odluci o davanju saglasnosti na zamjenu nepokretnosti u svojini općine za nepokretnosti u svojini fizičkih lica broj 01-23-2004/04 od 12.07.2004. godine («Službeni glasnik općine Zavidovići», broj 9/2004) u članu 2. iza tačke 7. dodaje se nova tačka 8. koja glasi:

«Stan pov. 46,08 m² u vlasništvu općine Zavidovići koji se nalazi u ulici Dr.Pinkasa Bandta, u zgradi zv."Samačka" - stan broj 32, za stan pov. 65 m², vlasništvo Milošević Bože i Milošević Stojke iz Zavidovića ,sa dijelom 1/2, koji se nalazi u ulici Radnička broj 53.»

Član 2.

Ova odluka stupa na snagu narednog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
-OPĆINSKO VIJEĆE-

Broj: 01-05-722/05
Datum, 09.03.2005.godine

(M.P.)

PREDSJEDAVAJUĆI
OPĆINSKOG VIJEĆA

Besim Avdić, s.r.

Na osnovu člana 16. i člana 19. Zakona o prometu nepokretnosti ("Službeni list SRBiH", broj: 38/78, 4/89, 29/90, 22/91 i "Službeni list RBiH", broj: 21/92, 3/93, 13/94, 18/94), člana 4. Pravilnika o postupku javnog nadmetanja za prodaju nepokretnosti u društvenoj svojini ("Službeni list SRBiH", broj: 28/79) i člana 55. i 96. Statuta općine Zavidovići ("Službeni glasnik općine Zavidovići", broj 11/04), Općinsko vijeće Zavidovići je na 5.sjednici održanoj dana 09.03.2005.godine, donijelo je

ODLUKU

o javnoj prodaji, uslovima i načinu javne prodaje nepokretnosti u vlasništvu općine Zavidovići

Član 1.

Ovom Odlukom utvrđuje se način i uslovi javne prodaje nepokretnosti u vlasništvu općine Zavidovići – poslovni prostor pov. 105 m² koji se nalazi u podrumskom dijelu objekta pošte u Zavidovićima, izgrađene na k.č. 1227/2 zv. «Cigлана» kuća-zgrada pov. 817 m², dvorište pov. 198 m², upisana u P.L. 1156 kao DRSV JP PTT BiH.

Član 2.

Početna prodajna cijena poslovnog prostora iz člana 1. ove odluke iznosi 31.920,00 KM.

Član 3.

Prodaja nepokretnosti iz člana 1. ove odluke izvršit će se putem pribavljanja pismenih ponuda od strane zainteresovanih lica.

Član 4.

Uz ponudu iz člana 3. ove odluke mora se priložiti dokaz o uplaćenju kauciji u iznosu od 10% od početne prodajne cijene.

Kaucija iz predhodnog stava uplaćuje se na račun Budžeta općine Zavidovići broj: 134030000007385 otvoren kod IKB, vrsta prihoda 721231.

Neuspjelim ponuđačima kaucija se vraća.

Član 5.

Prodaja nepokretnosti iz člana 1. ove odluke bit će objavljena putem oglasa u sredstvima javnog informisanja odnosno u jednom od dnevnih listova i na oglasnoj ploči zgrade općine.

Oglas o prodaji nepokretnosti iz člana 1. ove odluke putem pribavljanja pismenih ponuda ima se objaviti u roku od 30 dana od dana donošenja ove Odluke.

Član 6.

Postupak prodaje nepokretnosti iz člana 1. ove odluke sprovest će Komisija za javnu prodaju koju će imenovati Općinski načelnik Zavidovići.

- 98 -

Član 7.

Postupak prodaje sprovede će se u skladu sa Pravilnikom o postupku javnog nadmetanja za prodaju nepokretnosti u društvenoj svojini i ovom Odlukom.

Član 8.

Ako ne uspije prva prodaja nepokretnosti iz člana 1. ove odluke, prodaja se ponavlja na isti način. Ukoliko ne uspije ni ponovljena prodaja nepokretnosti iz člana 1. ove odluke, prodaja će biti izvršena neposrednom pogodbom.

Član 9.

Zadužuje se Općinski načelnik Zavidovići da u ime općine Zavidovići raspiše oglas o prodaji nepokretnosti iz člana 1. ove odluke te zaključi ugovor o kupoprodaji sa ponuđačem čija ponuda bude najpovoljnija.

Član 10.

Kupovnu cijenu kupac je dužan uplatiti u roku od 15 dana od dana zaključenja Ugovora o kupoprodaji, u protivnom Ugovor će biti jednostrano raskinut od strane Općine.

Član 11.

Kupac će biti uveden u posjed nekretnine u roku od 30 dana od dana uplate kupovne cijene od strane nadležne službe Općine Zavidovići a pravo vlasništva stiče danom upisa u katastar nekretnina odnosno danom polaganja isprava u nadležan sud.

Pregled nepokretnosti iz člana 1. ove odluke zainteresovani kupci mogu izvršiti na licu mjesta.

Član 12.

Za realizaciju ove odluke zadužuje se Općinski načelnik Zavidovići.

Član 13.

Ova odluka stupa na snagu osmog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-05-837/05
Dana, 09.03.2005. godine

(M.P.)

Besim Avdić, s.r.

Na osnovu poglavlja F. Plana zaštite od požara općine Zavidovići («Službeni glasnik općine Zavidovići», broj 15/2001) i člana 55. Statuta općine Zavidovići («Službeni glasnik općine Zavidovići, broj 11/2004-prečišćeni tekst), Općinsko vijeće Zavidovići na 5.sjednici od 09.03.2005.godine, donijelo

ODLUKU

o davanju saglasnosti za zaključivanje Sporazuma o zajedničkom finansiranju redovnih aktivnosti Profesionalne vatrogasne jedinice IP «Krivaja» dd Zavidovići za potrebe Općine Zavidovići u periodu od 01.01.2005. do 30.06.2005.godine

Član 1.

Općinsko vijeće daje saglasnost za zaključivanje Sporazuma o zajedničkom finansiranju redovnih aktivnosti Profesionalne vatrogasne jedinice IP «Krivaja» dd Zavidovići za potrebe Općine Zavidovići u periodu od 01.01.2005. do 30.06.2005.godine.

Član 2.

Sastavni dio ove Odluke je Sporazum o zajedničkom finansiranju redovnih aktivnosti Profesionalne vatrogasne jedinice IP «Krivaja» dd Zavidovići za potrebe Općine Zavidovići u periodu od 01.01.2005. do 30.06.2005.godine

Član 3.

Odluka stupa na snagu prvog narednog dana od dana objavljivanja u «Službenom glasniku Općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-05-722/05
Dana, 09.03.2005.godine

(M.P.)

Besim Avdić, s.r.

- 100 -

Na osnovu poglavlja F. «Plan zaštite od požara općine Zavidovići» («Službeni glasnik općine Zavidovići», broj 15/2001) i člana 55. Statuta općine Zavidovići («Službeni glasnik općine Zavidovići», broj 11/2004), Općina Zavidovići koju zastupa Općinski načelnik i IP «Krivaja» dd Zavidovići koju zastupa Generalni direktor, zaključili su

S P O R A Z U M

o zajedničkom finansiranju redovnih aktivnosti Profesionalne vatrogasne jedinice IP «Krivaja» dd Zavidovići za potrebe općine Zavidovići u periodu od 01.01.2005. do 30.06.2005.godine

Član 1.

Potpisnici Sporazuma o zajedničkom finansiranju redovnih aktivnosti profesionalne vatrogasne jedinice IP «Krivaja» dd Zavidovići za potrebe općine Zavidovići u periodu od 01.01.2005. do 30.06.2005.godine, saglasni su da IP «Krivaja» dd Zavidovići obavlja poslove i zadatke gašenja požara i spašavanja ljudi i materijalnih dobara ugroženih požarom na području općine Zavidovići za potrebe općine Zavidovići u periodu od 01.01.2005. do 30.06.2005.godine.

Član 2.

Obavljanje poslova i zadataka zaštite i gašenju požara i spašavanja ljudi i materijalnih dobara vršit će se na način i po postupku koji je utvrđen Zakonom o zaštiti od požara. Planom zaštite od požara općine Zavidovići i drugih propisa koji regulišu oblast zaštite od požara.

Član 3.

Za poslove i zadatke zaštite od požara predviđene u članu 1. Sporazuma, Općina Zavidovići za period od 01.01.2005. do 30.06.2005.godine, obezbijediti će sredstva u ukupnom iznosu od 85.350,00 KM.

Poslove i zadatke iz člana 1. Sporazuma obavljaće 15 (petnaest) zaposlenih iz Profesionalne vatrogasne jedinice IP «Krivaja» dd Zavidovići.

Član 4.

Sredstva iz člana 3. Sporazuma uplaćivat će se iz Budžeta općine Zavidovići, stavke «Transfer za zaštitu od požara», na žiro račun IP «Krivaja» dd Zavidovići u mjesečnim iznosima od 14.225,00 KM.

Član 5.

Sastavni dio ovog Sporazuma je Pregled rasporeda sredstava za «Finansiranje redovnih aktivnosti Profesionalne vatrogasne jedinice za potrebe općine Zavidovići na bazi Plana za 2005. godinu (15 vatrogasaca)».

- 101 -

Član 6.

Potpisnici ovog Sporazuma saglasni su da sve nastale sporove rješavaju sporazumno, a u slučaju da se nastali spor ne može riješiti sporazumno, oni su saglasni da to rješava Općinski sud u Zavidovićima.

Član 7.

Ovaj Sporazum stupa na snagu danom njegovog potpisivanja i davanja saglasnosti od strane nadležnih organa, a primjenjivat će se od 01.01.2005.godine.

IP «KRIVAJA» d.d. ZAVIDOVIĆI

Mehmedalija Burić, dipl.ing.maš., s.r.

Broj: GD 74/05

Dana, 10.02.2005.godine

(M.P.)

OPĆINA ZAVIDOVIĆI

Izet Bašić, dipl.ing.agr., s.r.

Broj: 01/1-14-202

Dana, 10.02.2005.godine

- 102 -

Na osnovu člana 30. Zakona o pravima boraca i članovima njihovih porodica («Službene novine Federacije BiH», broj 33/04) i člana 55. Statuta općine Zavidovići («Službeni glasnik općine Zavidovići», broj 11/2004 – prečišćeni tekst), Općinsko vijeće Zavidovići na 5.sjednici održanoj dana 09.03.2005.godine, donijelo je

O D L U K U

o stavljanju van snage Odluke o troškovima sahranjivanja umrlih lica i prenosu posmrtnih ostataka

Član 1.

Stavlja se van snage Odluka o troškovima sahranjivanja umrlih lica i prenosu posmrtnih ostataka broj 01-023-54 od 04.01.1996.godine («Službeni glasnik općine Zavidovići, broj 1/96).

Član 2.

Ova odluka stupa na snagu prvog narednog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-05-498
Datum, 09.03.2005.godine

(M.P.)

Besim Avdić, s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-31-897

Dana, 09.03.2005.godine

Na osnovu člana 96. Statuta općine Zavidovići («Službeni glasnik općine Zavidovići» broj 11/94) i člana 10. i 11. člana 24. Zakona o građevinskom zemljištu («Službene novine Federacije BiH», broj 25/03), Općinsko vijeće Zavidovići na 5.sjednici održanoj dana 09.03.2005. godine, donijelo je:

ZAKLJUČAK

1. Radi privođenja zemljišta trajnoj namjeni u skladu Regulacionim planom «Majdanska polja» i Regulacionim planom «Centar II», potrebno je pristupiti preuzimanju iz posjeda ranijeg vlasnika odnosno nosioca privremenog prava korištenja, neizgrađenog gradskog građevinskog zemljišta označenog sa :

Regulacioni plan «Majdanska polja» Zavidovići

- k.č. 205 zv. «Bara» oranica 6. klase pov. 1783 m², upisana u P.L. 636 k.o. Zavidovići kao DRSV Memišević Besim sin Edhema iz Zavidovića, Bosanska broj 3, sa dijelom 1/4, Memišević Bahrudin sin Edhema iz R Hrvatske, Rijeka, ul. Đuzepea Karabina, sa dijelom 1/4 i Memišević Bahrija kći Edhema iz Zavidovića, Bosanska 3, sa dijelom 2/4.

- k.č. 214 zv. «Ćumurana» nekategorisani put pov. 626 m², upisana u P.L.1106 k.o. Zavidovići kao DRSV IP «Krivaja» d.d. Zavidovići, sa dijelom 1/1.

- k.č. 216/2 zv. «Ćumurana» pašnjak 2.klase pov. 1053 m², upisana u P.L.557 k.o. Zavidovići kao DRSV Mujanović Dika kći Ahmeta iz Zavidovića, Željeznička bb, sa dijelom 1/1.

Regulacioni plan «Centar III»

- k.č. 1243 zv. «27 udarne divizije» kuća-zgrada pov. 47 m², koja na terenu ne postoji (porušena), upisana u P.L. 914 k.o. Zavidovići kao DRSV Mehić Hazim sin Ibrišima iz Bugojna, ul.Donjići 102 A, sa dijelom 1/3 i Bahtović Meliha kći Ismeta iz Zavidovića, ul.Dr.Pinkasa Bandta 36, sa dijelom 2/3.

- dio (neizgrađeni) k.č. 1276/7 zv. «27 Udarne divizije» privredna zgrada pov. 3058 m², ekonomsko dvorište pov. 8150 m², upisana u P.L.1106 k.o. Zavidovići kao DRSV IP «Krivaja» d.d. Zavidovići, sa dijelom 1/1.

2. Služba za upravu geodetskih, imovinsko pravnih poslova i urbanizma, u skladu sa članom 24.stav 2.Zakona o građevinskom zemljištu, saslušat će ranije vlasnike odnosno nosioce privremenog prava korištenja zemljišta iz tačke 1.ovog zaključka i pripremiti prijedlog rješenja o preuzimanju zemljišta.

3. Za primjenu ovog zaključka zadužuje se Općinski načelnik i Služba za upravu geodetskih, imovinsko pravnih poslova i urbanizma.

4. Zaključak stupa na snagu danom donošenja.

PREDSJEDAVAJUĆI
OPĆINSKOG VIJEĆA

(M.P.)

Besim Avdić, s.r.

- 104 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-31-5018/04

Datum, 09.03.2005.godine

Na osnovu člana 45. Zakona o građevinskom zemljištu («Službene novine Federacije BiH»), broj 25/03) i člana 120. Statuta općine Zavidovići («Službeni glasnik općine Zavidovići», broj 11/2004- Prečišćeni tekst) Općinsko vijeće Zavidovići na 5.sjednici održanoj 09.03.2005. godine, donosi

RJEŠENJE

ODBIJA SE zahtjev Udruženja Roma «Bahtale Roma» Zavidovići za dodjelu neposrednom pogodbom gradskog građevinskog zemljišta označenog sa k.č.1097 k.o. Zavidovići u svrhu izgradnje građevinskog objekta za smještaj udruženja.

Obrazloženje

Udruženje Roma «Bahtale Roma» Zavidovići obratilo se Općinskom vijeću Zavidovići zahtjevom broj 4-11-04 od 07.11.2004.godine dopunjenim dana 21.01.2005.godine zahtjevom za dodjelu zemljišta u površini od 100 m² i to dijela parcele označene sa k.č.1097 zv. «Novo naselje» kuća-zgrada pov. 918 m², dvorište pov. 500 m², oranica 6.klase pov.3563 m², upisana u P.L.232 k.o. Zavidovići kao DRSV Skupština Opštine na kojem bi gradili objekat za potrebe udruženja.

Iz navedenog zahtjeva proizilazi da se dodjela traži putem neposredne pogodbe.

Razmatrajuću podneseni zahtjev utvrđeno je da je prostorno planskom dokumentacijom na traženom zemljištu predviđena izgradnja objekata kolektivnog stanovanja te da se radi o gradskom građevinskom zemljištu koje se može dodjeljivati samo putem konkursa ili neposrednom pogodbom u skladu sa Zakonom o građevinskom zemljištu.

Naime, članom 45. Zakona o građevinskom zemljištu propisano je da se gradsko građevinsko zemljište može dodijeliti neposrednom pogodbom na korištenje za izgradnju vojnih objekata, objekata za službene potrebe državnih organa, diplomatskih i konzularnih predstavništva i objekata komunalne infrastrukture.

Kako u konkretnom slučaju nisu ispunjeni zakonski uslovi za dodjelu neposrednom pogodbom odnosno uslovi iz člana 45. Zakona, to je na osnovu naprijed navedenog, valjalo odbiti zahtjev podnosioca i riješiti kao u dispozitivu ovog rješenja.

POUKA O PRAVNOM LIJEKU: Protiv ovog rješenja stranka nema pravo žalbe, ali se može pokrenuti upravni spor tužbom kod nadležnog suda u roku od 30 dana od dana prijema rješenja.

(M.P.)

**PREDSJEDAVAJUĆI
OPĆINSKOG VIJEĆA**

Besim Avdić, s.r.

Na osnovu člana 36. i člana 38. stav 2. Poslovnika Općinskog vijeća Zavidovići («Službeni glasnik općine Zavidovići», broj 11/04 – Prečišćeni tekst), i člana 55. Statuta općine Zavidovići («Službeni glasnik općine Zavidovići», broj 11/04 – Prečišćeni tekst), Općinsko vijeće Zavidovići na 5.sjednici od 09.03.2005.godine, donijelo je

RJEŠENJE

o dopuni Rješenja o imenovanju predsjednika i članova Komisije za izbor i imenovanja

I

U Rješenju o imenovanju predsjednika i članova Komisije za izbor i imenovanja broj 01-05-4899/04 od 23.11.2004.godine («Službeni glasnik općine Zavidovići», broj 13/2004), u tački I iza rednog broja 5. dodaje se redni broj 6. i glasi:

«6. ŽIGIĆ ENVER, član»

II

Rješenje stupa na snagu danom donošenja, i biti će objavljeno u «Službenom glasniku općine Zavidovići»

OPĆINA ZAVIDOVIĆI
-OPĆINSKO VIJEĆE-

Broj: 01-05-769
Datum, 09.03.2005.godine

PREDSJEDAVALAČI
OPĆINSKOG VIJEĆA

Besim Avdić, s.r.

(M.P.)

Na osnovu člana 93. stav 1. Poslovnika Općinskog vijeća Zavidovići («Službeni glasnik općine Zavidovići», broj 11/2004-prečišćeni tekst), Općinsko vijeće Zavidovići na 5.sjednici od 09.03.2005. godine, razmatralo je Informaciju o zaštiti rijeke Krivaje sa prijedlogom mjera za pokretanje inicijative na zajedničkim aktivnostima-saradnji sa općinom Olovo na zaštiti iste, pa nakon rasprave donijelo

ZAKLJUČAK

I

Općinsko vijeće Zavidovići prihvata Informaciju o zaštiti rijeke Krivaje sa prijedlogom mjera za pokretanje inicijative na zajedničkim aktivnostima-saradnji sa općinom Olovo na zaštiti iste, sa prijedlogom mjera koji su dati uz Informaciju kao i prijedloge mjera koje su utvrđene na sjednici Općinskog vijeća i glase:

1. Početkom maja mjeseca utvrditi sadašnji stepen zagađenosti vode u Krivaji (fizičko-hemijski, mikrobiološki sa akcentom na fekalno), na lokalitetima Olovo, Maoča, Vožuća, Kovači i Zavidovići-ušće, te nastaviti sistemsko ispitivanje kvaliteta vode u rijeci Krivaji,

2. Udruženje građana Sportskih ribolovaca «Krivaja» je dužno dostaviti informaciju o iskorištavanju i gazdovanju ribljim fondom, sa stvarnim stanjem ribljeg fonda i planovima na unapređenju istog,

3. Općina Zavidovići je dužna redovno pratiti stanje okoline, šuma, poljoprivrednog zemljišta i vodotoka u cilju zaštite okoline i da poduzima određene mjere kao i da interveniše kod nadležnih subjekata odgovornih na zaštitu okoline,

4. Istrajati na angažovanju protiv izgradnje akumulacije Krajnići, a za gradnju eventualno druge akumulacije, «Buk» ili druge, sagledati moguće posljedice nakon izgradnje,

5. Do kraja mjeseca maja 2005.godine izvršiti kontrolu po izdatim rješenjima o zabrani nepropisnog ispuštanja fekalija i otpadnih voda u rijeku Krivaju,

6. Od nadležnog Kantonalnog ministarstva zatražiti informaciju da li fabrika «Čipsa» u Vožućoj ispunjava sve zakonske uslove kada je u pitanju ispuštanje otpada iz iste i u skladu s tim preduzeti odgovarajuće mjere,

7. Od nadležne kantonalne službe tražiti da uz vodotok rijeke Krivaje postave znak-tablu sa nazivom rijeke,

8. Općinski načelnik Zavidovići uputit će pismeni poziv Načelniku Općine Olovo sa prijedlogom za održavanje sastanka predstavnika dviju općina s ciljem sagledavanja mogućnosti saradnje na zajedničkim aktivnostima na zaštiti rijeke Krivaje,

9. O realizaciji predloženih mjera informisati Općinsko vijeće Zavidovići do kraja mjeseca maja 2005.godine.

II

O realizaciji usvojenih mjera staraće se Služba za upravu ekonomskih poslova i poduzetništva i Općinski načelnik.

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-23-625/05

Datum, 09.03.2005.godine

(M.P.)

Besim Avdić, s.r.

II – AKTI OPĆINSKOG NAČELNIKA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

Broj: 01/1-05-1711/04

Datum, 25.02.2005.godine

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine («Službene novine FBiH», broj 12/03), člana 25. Zakona o javnim ustanovama («Službeni list RBiH», broj 6/92 i 13/94), Zaključka o standardima i kriterijima za imenovanje na upražnjene pozicije u reguliranim tijelima Općine Zavidovići, Zaključka o utvrđivanju i oglašavanju upražnjenih pozicija u reguliranim tijelima Općine Zavidovići («Službeni glasnik općine Zavidovići», broj 4/2004), i člana 65. Statuta općine Zavidovići («Službeni glasnik općine Zavidovići»; broj 11/04-prečišćeni tekst), Općinski načelnik Zavidovići, donio je

RJEŠENJE**o konačnom imenovanju člana Upravnog odbora
Javne ustanove «Javna biblioteka» Zavidovići****I**

HUSEINOVIĆ (Alije) NIHADA, dipl. pravnik iz Zavidovića, imenuje se ispred osnivača za člana Upravnog odbora Javne ustanove «Javna biblioteka» Zavidovići, na period od četiri (4) godine.

II

Članu Upravnog odbora Javne ustanove «Javna biblioteka» Zavidovići pripada pravo na naknadu u skladu sa članom 6. Zaključka o standardima i kriterijima za imenovanje na upražnjene pozicije u reguliranim tijelima Općine Zavidovići («Službeni glasnik općine Zavidovići», broj 4/2004).

III

Rješenje stupa na snagu danom donošenja, a objavit će se u «Službenom glasniku općine Zavidovići».

Obrazloženje

Općinski načelnik je, kao odgovorni javni službenik, u smislu člana 7. Zakona o ministarskim, vladinim i drugim imenovanjima Federacije Bosne i Hercegovine («Službene novine

FBiH», broj 12/03), utvrdio opće i posebne uslove za imenovanje na pozicije u reguliranim tijelima Općine Zavidovići Zaključkom o standardima i kriterijima za imenovanje na upražnjene pozicije u reguliranim tijelima Općine Zavidovići («Službeni glasnik općine Zavidovići», broj 4/2004).

Na osnovu člana 3. Zaključka o standardima i kriterijima za imenovanje na upražnjene pozicije u reguliranim tijelima Općine Zavidovići Općinski načelnik je Zaključkom o utvrđivanju i oglašavanju upražnjenih pozicija u reguliranim tijelima Općine Zavidovići («Službeni glasnik općine Zavidovići», broj 4/2004), utvrdio da je u Upravnom odboru Javne ustanove «Javna biblioteka» Zavidovići upražnjena pozicija člana Upravnog odbora iz reda osnivača., te je članom 2. predmetnog Zaključka utvrđena potreba raspisivanja oglasa za popunu pozicije u reguliranom tijelu općine Zavidovići.

U skladu sa članom 2. Zaključka o utvrđivanju i oglašavanju upražnjenih pozicija u reguliranim tijelima Općine Zavidovići («Službeni glasnik općine Zavidovići», broj 4/2004), Općinski načelnik raspisao je ponovni javni oglas za izbor i imenovanje članova upravnih odbora javnih ustanova i javnih preduzeća kojima je Općina Zavidovići osnivač, koji je objavljen u listu «Dnevni avaz» dana 18.09.2004.godine i u Službenim novinama FBiH dana 25.09.2004.godine, te u skladu sa članom 4. istog Zaključka, donio Rješenje o imenovanju Komisije za izbor na upražnjene pozicije u upravnim odborima javnih ustanova («Službeni glasnik općine Zavidovići», broj 5/2004), u daljem tekstu: Komisija.

Komisija je na sastanku održanom 21.10.2005.godine utvrdila da je, na javni oglas za popunu upražnjenog mjesta člana Upravnog odbora JU «Javna biblioteka» Zavidovići ispred osnivača, podnesena prijava od strane Huseinović Nihade, dipl. pravnik iz Zavidovića.

Obzirom da je prijava imenovane bila blagovremena, ali nepotpuna, ista je pozvana da prijavu dopuni, te da popuni obrazac sa pitanjima koja se tiču sukoba interesa, kao i da dostavi imena ranijih neposrednih rukovodilaca radi pribavljanja preporuka o istoj.

Na sastanku Komisije od 14.01.2005.godine utvrđeno je da je prijava kandidata Huseinović Nihade formalno ispravna, te je ista stavljena na listu sa užim izborom i proveden je intervju sa imenovanom.

Nakon provedenog intervjua sa imenovanom, poštujući principe iz člana 3. Zakona o ministarskim, vladinim i drugim imenovanjima Federacije Bosne i Hercegovine («Službene novine FBiH», broj 12/03), Komisija je na osnovu člana 12. istog Zakona utvrdila rang – listu i istu dostavila Općinskom načelniku.

Na osnovu uvida u kompletno provedenu proceduru i rad Komisije, imajući u vidu da Huseinović Nihada dipl.pravnik iz Zavidovića ispunjava opće i posebne uslove iz Zaključka o standardima i kriterijima za imenovanje na upražnjene pozicije u reguliranim tijelima Općine Zavidovići («Službeni glasnik općine Zavidovići», broj 4/2004), a u vezi sa članovima 3. i 6. Zakona o ministarskim, vladinim i drugim imenovanjima Federacije Bosne i Hercegovine («Službene novine FBiH», broj 12/03), doneseno je rješenje kao u dispozitivu.

OPĆINSKI NAČELNIK

(M.P.)

Izet Bašić, dipl.ing.agr., s.r.

III – AKTI SLUŽBE ZA UPRAVU

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
**Služba za upravu društvenih
djelatnosti i opću upravu**

Broj : 04/5-04-05-774/05

Dana: 25.02.2005.godine

Na osnovu člana 38. Zakona o lokalnoj samoupravi («Službene novine ZE-DO kantona» broj 13/98/ i člana 1. Odluke o postupku registracije i načinu vođenja registra mjesnih zajednica («Službeni glasnik općine Zavidovići» broj 5/2001), postupajući po zahtjevu Mjesne zajednice Krivaja za upis u registar mjesnih zajednica Općine Zavidovići, Općinski načelnik Zavidovići – Služba za upravu društvenih djelatnosti i opću upravu, donosi

R J E Š E N J E

I

Mjesna zajednica Krivaja upisana je u Registar mjesnih zajednica općine Zavidovići za 2005. godinu pod rednim brojem 2. na 1. strani knjige registra mjesnih zajednica za 2005. godinu.

II

Mjesna zajednica Krivaja osnovana je Odlukom o izmjenama i dopunama Odluke o osnivanju, organizaciji i funkcionisanju mjesnih zajednica na području općine Zavidovići («Službeni glasnik općine Zavidovići» broj 1/2005)- u daljem tekstu Odluka - donesenom od strane Općinskog vijeća na dan 11.02.2005.godine.

III

Mjesna zajednica Krivaja je novoosnovana mjesna zajednica na području općine Zavidovići u skladu sa odredbom člana I. Odluke, a nastala je izdvajanjem tri podružnice, Krivaje, Bare i Keseri iz MZ Krivaja-Smailbašići.

IV

Mjesna zajednica Krivaja obuhvata dio naseljenog mjesta Krivaje, sela Bare i Keseri u skladu sa odredbom člana 5. Odluke.

- 110 -

V

Mjesna zajednica Krivaja ima 487 stanovnika.

VI

Sjedište Mjesne zajednice Krivaja je mjesni dom prema odredbi člana 6. Odluke.

VII

Ovlaštena lica za predstavljanje Mjesne zajednice Krivaja su Parlić Ahmet predsjednik Savjeta mjesne zajednice i Keserović Nijaz zamjenik predsjednika Savjeta Mjesne zajednice.


VIII

Rješenje stupa na snagu danom donošenja i bit će objavljeno u «Službenom glasniku općine Zavidovići».

POMOĆNIK NAČELNIKA

(M.P.)

Šemsudin Starčević, prof., s.r.



S A D R Ž A J

Strana

I – AKTI OPĆINSKOG VIJEĆA

1. ZAKLJUČAK Općinskog vijeća o usvajanju Plana rada Općinskog načelnika za 2005. godinu	74
2. PLAN rada Općinskog načelnika za 2005. godinu	75
3. ODLUKA o izmjenama i dopunama Odluke o organizaciji općinske uprave..	81
4. ODLUKA o rasporedu sredstava za redovnu djelatnost mjesnih zajednica u 2005. godini	87
5. ODLUKA o pristupanju izradi izmjena i dopuna Regulacionog plana «Centar I» Zavidovići	92
6. ODLUKA o određivanju područja u kojima na formiranje tržišne cijene poljoprivrednog i građevinskog zemljišta utiču okolnosti iz stava 3. člana 49. Zakona o eksproprijaciji i o najmanjem procentu umanjenja tržišne cijene za 2005. godinu	94
7. ODLUKA o izmjeni i dopuni Odluke o davanju saglasnosti na zamjenu nepokretnosti u svojini općine za nepokretnosti u svojini fizičkih lica	96
8. ODLUKA o javnoj prodaji, uslovima i načinu javne prodaje nepokretnosti u vlasništvu Općine Zavidovići	97
9. ODLUKA o davanju saglasnosti za zaključivanje Sporazuma o zajedničkom finansiranju redovnih aktivnosti Profesionalne vatrogasne jedinice IP «Krivaja» dd Zavidovići za potrebe općine Zavidovići u periodu od 01.01.2005. do 30.06.2005. godine	99
10. SPORAZUM o zajedničkom finansiranju redovnih aktivnosti Profesionalne vatrogasne jedinice IP «Krivaja dd Zavidovići za potrebe općine Zavidovići u periodu od 01.01.2005. do 30.06.2005. godine	100
11. ODLUKA o stavljanju van snage Odluke o troškovima sahranjivanja umrlih lica i prenosu posmrtnih ostataka	102
12. ZAKLJUČAK o privođenju zemljišta trajnoj namjeni u skladu sa Regulacionim planom «Majdanska polja» i RP «Centar I»	103
13. RJEŠENJE o odbijanju zahtjeva Udruženja Roma «Bahtale Roma» Zavidovići za dodjelu neposrednom pogodbom gradsko građ.zemljište	104
14. RJEŠENJE o dopuni Rješenja o imenovanju predsjednika i člana Komisije za izbor i imenovanja	
15. ZAKLJUČAK o prihvatanju Informacije o zaštiti rijeke Krivaje sa prijedlogom mjera za pokretanje inicijative na zajedničkim aktivnostima saradnji sa općinom Olovo na zaštiti iste	106

II – AKTI OPĆINSKOG NAČELNIKA

1. RJEŠENJE o konačnom imenovanju člana Upravnog odbora Javne ustanove «Javna biblioteka» Zavidovići	107
--	-----

III – AKTI SLUŽBE ZA UPRAVU

1. RJEŠENJE o upisu u Registar MZ Krivaja	109
---	-----

